

Մ. Գ. ՀԱՆՈՒՄԱՆ

ԳՐԻԳՈՐ ԶՈՂՐԱՊ

(Ծննդյան 100-ամյակի առթիվ)

Հայ ժողովուրդը սիրով և երախտագիտությամբ է նշում իր մեծ զավակի՝ Գրիգոր Զոհրապի ծննդյան 100-ամյակը:

Զոհրապին ղնահատել են արդեն մի քանի սերունդներ, ոչ միայն իրեն մեծ գրողի, իրեն հայ դրականության խոշորագույն դասականներից մեկի, այլև իրեն համոզված հայրենասերի, իրեն համարձակ և պատկառազու հասարակական-քաղաքական գործիչի, ականավոր իրավաբան-օրենսդետի, ճանաչված հրապարակախոսի ու քննադատի:

Զոհրապը իրեն նորարար արվեստագետ, արևմտահայ դրականության մեջ դարձավ զրական նոր ժանրերի սկզբնավորող և հանդիսացավ զրական մի ամբողջ հոսանքի՝ 80—90-ական թվականների ռեալիստական շարժման ամենախոշոր ներկայացուցիչը:

Կյանքի փառավոր ուղի անցավ Զոհրապը իբրև մարդ, իբրև գործիչ և իբրև գրող: Սուլթանական Թուրքիայի դաժան տիրապետության պայմաններում Զոհրապը երբեք չփոքրացավ օրվա կացության առջև: Ոչ մի հալածանք և բանտարկություն, որոնց քաղմիցս ենթարկվեց Զոհրապը, չկարողացան շեղել մեծ հայրենասերին իր հաստատամտորեն որդեգրած ժողովրդանվեր գործունեությունից:

Իր ելույթներից մեկում Զոհրապն ասում է, որ իր ամբողջ կյանքը կովով է անցկացրել: Իրոք, Զոհրապի կենսագրությունը մաքառումների փառահեղ պատմություն է: Նրա ողջ գործունեությունը մի ըմբոստացում էր ժամանակի իրականության դեմ, «իրավունքը հզորագույնին» հակամարդկային ըմբռնման դեմ, պատերազմի և ազգերի գերեվարության քաղաքականության դեմ:

Այս դիրքերից Զոհրապը պայքարեց սուլթանական բռնապետության և ավատականության դեմ, միջազգային ռեակցիայի դեմ, հատկապես՝ Երեյ-Ֆուսի հայտնի դատի առթիվ, թուրք բուրժուազիայի՝ կատաղի շովինիզմով ներծծված քաղաքականության դեմ, հայ բուրժուազիայի, մասնավորապես նրա պահպանողական մասի դեմ, մաքառեց արևմտյան իմպերիալիզմի նենգ քաղաքականության մի ձևը հանդիսացող կրոնական գործակալությունների՝ հայ ժողովրդի առավել անգիտակից մասին՝ դավանափոխությամբ և էիզլիթական դպրոցով ձուլման տանող փորձերի դեմ:

Իրեն փաստաբան «Ողջմտանքի ձայներ»-ի հեղինակը ավելի քան քառորդ դար թուրքական դատարաններում՝ բոս էություն պայքարել է բռնապետության դեմ, փրկելով ամեն լավագույն կյանքեր, պաշտպանելով սարբեր ազգի ներկայացուցիչներին: 1905 թ. մի բուլղար հեղափոխականի խոշտանգելու պատճառով՝ թուրքական իշխանությունների դեմ իր բացած դատի համար,

Զոհրապին զրկում են փաստաբանությունից՝ զրադիվելու իրավունքից, և նստիսլված հեռանում է Թուրքիայից:

Զոհրապի հասարակական-քաղաքական գործունեության ամենարուսն շրջանը 1908—1915 թվականներն են, երբ նա, տարագրությունից վերադարձած, բնորվում է Ազգային ժողովի և, հակառակ իթթիհատականների դիմադրության, Օսմանյան պառլամենտի անդամ: Զոհրապը մեծ խանդավառությամբ՝ պառլամենտում և նրանից դուրս պայքար է ծավալում երկրի քաղաքական, տնտեսական, իրավական և մշակութային վերափոխմանը նպաստելու մտադրությամբ:

1910 թվականին ունեցած մի ատենաբանության մեջ, խոսելով բանվորական հարցի մասին, Զոհրապն առում է. «Անտեղյակները միայն կրնան ըսել թե գործավորական (այսինքն՝ բանվորական) հարց չկա Թուրքիո մեջ: Թեև «մեծ ճարտարարվեստը (ինդուստրիա) գոյություն չունի այս երկրին մեջ, բայց այսուհանդերձ գործավոր դասակարգ մը կա, և երկու միլիոնի մոտ կը հաշվեն զայն՝ հողային գործավորները միասին առնելով. երկու միլիոն գործավորը արհամարհելի դասակարգ մըն է միթե»: Զոհրապը պահանջում է, որ շատեսովի «գործավորական կազմակերպություններ» ստեղծելու հարցը, չմերժվեն «ամենեն արդար պահանջները աշխատավորներուն, ժողովուրդին, որոնք վերջապես երկրին էն մեծ ուժերն են»:

Զոհրապի զեղեցիկ երազները, որ նա 1908 թ. հեղաշրջման առաջին օրերին կապում էր «սահմանադրական» կարգերի հետ, փշովեցին, քանզի թուրք բուրժուազիան, հանձին իթթիհատականների, շարունակում էր վարել ունակ-ցիոն քաղաքականություն: Այդ պայմաններում Զոհրապի առաջադիմական գաղափարները չէին կարող կենսագործվել, քանի որ տիրապետող դարձավ ժողովրդին ստրկության մեջ պահելու բռնակալական մոլուցքը:

Վերջնականապես հիասթափվելով իթթիհատականների քաղաքականությունից և զգալով հայերին սպառնացող վտանգը, Զոհրապը հույսը դնում է Ռուսաստանի վրա, հավատացած լինելով, որ, ինչպես ինքն է ասել՝ «Ռուսաստանը երիտասարդ երկիր է, ասպագայով պետություն, և այն ճնշումը, որի մասին այնքան շատ խոսում են, միշտ չի տիրապետի Ռուսաստանում»:

Անմոռանալի է Զոհրապի պայքարը պատերազմի քաղաքականության և իմպերիալիզմի դեմ: Այս տեսակետից նշանակալից են նրա՝ կարապի երգը հանդիսացող ակնարկ-նամակները, գրված 1914 թ. (Թուրքիան դեռ պատերազմի մեջ չմտած), որոնց մեջ նա ասում է. «Գերման սպառազինությունը կես դար տնտեսապես ճնշել է ետքը Եվրոպան՝ զայն վերջնապես ընկճելու համար ասպարեզ եկավ այսօր, դուր ջանք սակայն, Եվրոպան և ոչ մեկ ազգի տիրապետությունը կընդունի, ազգերը գերի վարելու, աշխարհակալությունը ընելու (այսինքն՝ իմպերիալիզմի) դարը իսպառ վերջացած է»:

Պայծառ եղավ Զոհրապի գործունեությունը գրականության ասպարեզում: Նրա գրական գործունեությունը առաջին քայլերից տրժանացավ բարձր գնահատության, համարվեց «հայտնություն» հայ գրականության համար: Այդպես է ասում Հրանտ Ասատուրը 1888 թ. միաժամանակ բնութագրելով Զոհրապին իրրե «երկաթե նկարագիր» ունեցող «խիզախ ու անվեհեր» գրող: Այս բնորոշումները միանգամայն ճիշտ են:

Գեղարվեստական գրականությանը Զոհրապը հատկացնում էր ժողովրդի կյանքը արտացոլելու և ժողովրդի կյանքին ծառայելու դեր, գտնելով, որ գրա-

կանությունը պիտի լինի իրականության «անխարդախ հայելի» և պիտի նպաստի իրականության նորոգմանն ու վերաշինմանը:

Իբրև գրականության տեսաբան, այս մարզումն էլ ղրսեսրելով իր արտասովոր ինքնատիպությունը, Զոհրապը գտնում էր, որ պոռոզը պետք է արտացոլի կյանքի ոչ միայն մանրունքներն ու տգեղությունները, այլև վսեմություններն ու գեղեցկությունները:

Զոհրապի արտակարգ ինքնատիպությունը արտահայտվեց ոչ միայն դեղագիտական ճանաչողների և նոր ժանրերի սկզբնավորման մեջ, այլև գրական ոճի, գրելակերպի նորոգման հարցում: Նա սխտեմատիկ պայքար մղեց հնավանդ, ինչպես ինքն էլ ասում, «անդրջրհեղեղյան» գրելակերպի դեմ և հիմք դրեց մի նոր գրելակերպի: Իր առաջին իսկ երկերով, բացառությամբ հին գրելակերպին իր տուրքը հանդիսացող երեք քերթվածների, Զոհրապը սկսեց իր պայքարը ղրականության մեջոցով, մաքառեց գաղութահայ վերնախավի կոսմոպոլիտիզմի դեմ («Զինական նամականի»), դիրքի և հարստության հասնելու շամար իր ժողովրդին դավաճանելու դեմ («Անհետացած սերունդ մը»), բուրժուական ապաղգայնացած երիտասարդության դեմ, որին համարեց «անօգուտ կաններ իրենց ազդին ու համայն մարդկության համար» («Վարդապետին մականունը»), վերնախավերի իրար հոշոտելու բարքերի և ֆրանսիական ոստանից ներմուծվող այլասերվածության դեմ («Կանանց բժիշկը»), ոգորեց աշխատավորության իրավունքների համար («Ներսես»), հայ ժողովրդի կենսունակությունը նվազեցնող պանդխտության դեմ և հայ գեղջկուհու մարդկային տարրական իրավունքների համար («Այրին»), արևմտյան իմպերիալիզմի՝ փոքր ժողովուրդներին իր քաղաքական կառքին լծելու համար կատարվող միջոցառումներից մեկի՝ դավանափոխության դեմ («Արմենիս»), վաշխառության դեմ («Մեղա տեր»), բուրժուական շահագործման և բուրժուական բարքերի այլասերվածության դեմ («Փոստալ»), առօրյա կյանքում բուրժուական մտավորականության վարքագծի դեմ («Մագդաղինե») և այլ բաղմաթիվ երևույթների, որոնք բնորոշ էին տվյալ հասարակության համար:

Զոհրապը ցույց տվեց բուրժուական հասարակության անընդունակությունը՝ վերացնելու կարիքի և բավարարման միջոցների հակադրությունը («Ճիտին պարտքը»), մերկացրեց ղրամատերերի այն գործնականը, որի հանցագործությունների «աշտարակը», ինչպես հեղինակն էլ ասում, սպառնում է «մինչև երկինք հասնիլ» («Ժամին բակը»): Նա պատկերում է բռնապետական իրականության մեջ երջանկության հասնելու անհնարինությունը («Խնդուքը») և հասարակության անտարբերությունը անհատի տառապանքի հանդեպ («Կապիկը»):

Մերկացնելով ժամանակի իրականության այս և այլ արատները և պայքարելով ղրանց դեմ, Զոհրապը, համաձայն իր գեղագիտական ճանաչողների, վսեմություններ և գեղեցկություններ է հայտնաբերում ժողովրդի բնորոշում: Այդ են ցույց տալիս «Այինկա», «Թեֆարիկ», «Զմարադտա», «Փոստալ» և այլ նարալեպերը, որոնցով հեղինակը ցույց է տվել մարդկային նկարագրի գեղեցկությունը ժողովրդից ելած պարզ մարդկանց մեջ:

Շատ առիթներով է արտահայտել Զոհրապը իր համակրանքը հասարակ ժողովրդի նկատմամբ, սակայն, իր հարադատությունը ժողովրդին, մինչև վերջ սրա հետ լինելու ցանկությունը նա արտահայտել է իր պեղեցիկ ակնարկներից մեկում, ուր ասված է. «Տեղ մը միայն, ուր ես... պիտի ուզեի հանգչիլ, եղբայ-

բակցությունը կատարյալ է և գիրկընդխառնումը ճշմարիտ. հոն. ուր լացերը ու սուգերը շեղջակույտերով կը լեցվին. հասարակաց փոսին մեջ»:

Խոր և Ձոհրապի նվիրվածությունը իր մարդկային վսեմ պարտականություններին, պարտքի զգացումը՝ դեպի իր տառապող ժողովուրդը: 1915 թ. ապրիլին ձերբակալում են Պոլսո հայ մտավորականությանը, որոնց մեջ էին հայտնի գրողները: Ձոհրապը խոցված այդ ոճրագործության ահավոր փաստից, բողոքում է Թալեաթին և ուրիշներին, որի համար նրան անմիջապես արսորում են՝ ճանապարհին սպանելու կարգադրությամբ:

Աքսորից առաջ, զգալով Ձոհրապին սպառնացող վտանգը, բարեկամները առաջարկում են նրան հեռանալ Պոլսից, սակայն նա չի համաձայնում. «...որ ու թողում սա անտեր ու անգլուխ ժողովուրդը,— ասում է նա,— Զէ՛, փախչիլ չե՛մ կրնար, պետք է, պարտքս է մինչև վերջը պատենշին վրա կենալ»: Աքսորի ճանապարհին երախտապարտ ժողովրդի անձնվեր զավակները, հայ երկաթուղայիններ և ուրիշներ առաջարկում են փախչելու զանազան ծրագրեր: Սպանության նախորդ օրը, բանտի ծխնելույզից մտնելով և պարզելով սպառնացող վտանգը, Ձոհրապին փախցնելու վերջին փորձն են անում, սակայն նա մերժում է փախուստի ամեն առաջարկ, նկատի ունենալով, որ իր «փախուստը է՛լ ավելի պիտի կատաղեցնեի կառավարության հայակեր ջոխիրը, ու պատճառ պիտի լինեի մաղձ ու թույն թափելու տարագիր հայության թշվառ և անհամար բեկորների վրա»:

Կատարվեց անխուսափելին. դահիճների ձեռքով սպանվեց մեծ գրողն ու մեծ քաղաքացին: Չունեցավ նույնիսկ գերեզման ու հուշարձան:

Անուրանալի է Ձոհրապի ստեղծագործության արժեքը իրեն հոգևոր հարստություն. անուրանալի է նրա բարձրարվեստ նորավեպերի ճանաչողական նշանակությունը: Բայց ինչ որ հավերժ կենդանի պիտի պահի նրա նովելները, պահի նրանց յանանցանելի թարմությունը— դա զեղեցկության և քերթության այն առատությունն է, որ ուտիպել է մարդկանց համարելու այդ երկերը «անմրցելի հրաշակերտներ», ժամանակի գրականության «ակնախտիզ զարդերը»: Այդպես էլ պիտի մնան նրանք, բանդի ժողովրդին ծառայող արվեստը ունի հավերժության անձնագիր: